

հասակ նորահարսների արհեստական լականջները հիւսում են գոյնզգոյն մանր յուշուճքներով և մէջ ընդ մէջ մեխակներով, որ առաւել գեղեցիկ և անուշահոտ երևան իրենց ամուսինների աչքերին։ Ուտիացի կանայք ընդհանրապէս խնայող և սակաւապետ են. նրանց ամեն օրուայ գործածական հագուստները լինում են աժանագին չթից։ Իսկ տօն օրերին, Զատիին, Ծննդեան մեծ տօներին, հարսանիքներին և ուխտագնացութեան ժամանակ հագնում են զուտ մետաքսէ գոյնզգոյն թանկագին շորեր։ Ուտիացի ձայ կանայք հագնում են կարճ բաճկոն, որի թևերի վրայ՝ արժուեկից սկսած մինչև ձեռքի թաթերը, շարում են երկու շարք արծաթէ կրճակներ, որոնք մի առանձին փայլ և գեղեցկութիւն են տալիս այդ հագուստին։ Իսկ բաճկոնի տակից հագնում են շապիկ և չափազանց լայն վարտիկ, որ միևնոյն ժամանակ շրջագգեստի ձև է ստանում և նրա պաշտօնն է կատարում։ Ուտիացի կանայք գուլպայ գործելու և պանիր պատրաստելու արհեստից միանգամայն զուրկ են. նրանք միայն կարողանում են քրդից թել մանել, ջուալ, խուրջին և մետաքսէ սիրուն վերմակներ գործել։ Ձեռագործի և կար ու ձևի մէջ շնորհ և ընդունակութիւն ունեցող մեր յարգելի տիկիկներն ու օրիորդները եթէ ամառնային արձակուրդներին շրջէին Ուտիացոց երկրում, ահագին և փրկարար գործ կարող էին կատարել։ Իրենք մի կողմից կհանգստանային և կկազդուրուէին, իսկ միւս կողմից՝ տնային տնտեսութեան վերաբերեալ նորանոր բաներ կսովորե-